

MANYELOI LE MADEMONA

Lenane-thuto

Notes —

KAROLO #1:

- I. Selelekela.
- II. Manyeloi:
 - A. Litemana tse Amanang le Manyeloi.
 - B. Boleng ba Manyeloi.

KAROLO #2:

- II. Manyeloi: (Nts'etso-pele.)
 - C. Palo le Phapano ea Manyeloi
 - D. Mosebetsi ea Manyeloi.

KAROLO #3:

- II. Manyeloi: (Nts'etso-pele.)
 - E. Na Boteng le Mosebetsi oa Manyeloi li ka bonoa le kajeno?
- III. Mademona:
 - A. Selelekela

KAROLO #4:

- III. Mademona: (Nts'etso-pele.)
 - B. Satane.

KAROLO #5:

- III. Mademona: (Nts'etso-pele.)
 - C. Meea ea Mademona.
- Tlhahlobo.

MANYELOI LE MADEMONA

Notes

Tlhahlobo:

Lipotso tse ka lebelloang, Limaraka li 20

- 1) Hlalosa likarolo tse tharo tsa boleng ba manyeloi (maq. 275, 276).
- 2) Hlalosa mesebetsi e meraro ea manyeloi (maq. 278, 279).
- 3) Hlalosa chalimo e nepahetseng ea Bokreste ka Satane le mademona (maq. 283).

Lipotso tse ka lebelloang, Limaraka li 10

- 1) Lenyeloi la Morena ke mang? Ts'ehetsa ka temana (leq. 277).
- 2) Kerubime e reretsoe ho etsang? (leq. 278)?
- 3) Bolela Lengolo le bonts'ang hore manyeloi a ka itlhahisa ho batho le kajeno (leq. 279).
- 4) Bolela lintlha tse 'ne tse hlalosang sebopeho sa Satane (ha ho tlhokahalo ea ts'ehetso ea Mangolo; maq. 284).
- 5) Bolela merero ea mantlha ea Satane (ha ho tlhokahalo ea ts'ehetso ea Mangolo; leq. 286).
- 6) Na mademona a na le lithuto-theo tsa oona? Ts'ehetsa karabelo ea hau ka Lengolo (leq. 289).

MANYELOI LE MADEMONA

I. Selelekela.

Notes —

A. Lefats'e la Semoea ke 'Nete.

1. John G. Paton, mishinari oa Lihlekehleke tsa New Hebrides o kile a pheta pale ea bonnete le boteng ba manyeloi:

Mohlala oa Sengoli:

Ntlo ea hae e ne e le morung. Ka bosiu bo bong sechaba sa moo ba neng ba le hona teng, se ile sa ba hlasela. Eena le mofumahali oa hae ba ile ba rapela bosiu bohle. Qetellong batho bao ba ile ba tsamaea.

Kamor'a selemo, morena oa sechaba seo o ile a amohela Jesu Krete e le Mopholosi oa hae. Mr. Paton o ile a botsa morena eo: "Hobaneng banna ba hau ba neng ba tlohe ha ka bosiung boo le neng le tlike ho tla ntlhasela le lapa la ka, selemong se fetileng?" morena o ile a makatsoa ke potso eo. A re, "Re ile ra tsamaea ha re bona banna ba liqhobane, ba ts'oereng libetsa ba potile ntlo ea hau ka hohle."

Ke nako eo mishinari a ileng a elelloa hore manyeloi a ne a rometsoe ho mosireletsa bosiung boo.

Beha Mohlala oa hau

2. Lefats'e la Semoea, kannete ke ntho e teng, ke taba ea 'nete. Ka bomalimabe, hona ho kenyeletsa le manyeloi a oeleng (mademona), ho boetse ho kenyeletsa le manyeloi a Molimo.

MANYELOI LE MADEMONA

Notes —

B. Likarolo tsa Thuto ena.

1. Thuto ena e ruta ka manyeloi le mademona. Ke thuto ea motheo e lelekellang thuto e bitsoang “Ntoa ea Semoea.”
2. Thuto ena e arotsoe likoto tsa mantlha tse peli:
 - a. Manyeloi. Likaroloana tsa thuto tse qotsitsoeng lithutong tsa Dr. J.R. Williams, moprofesa oa Regent University¹ Li sebelisitsoe ka tumello.
 - b. Mademona.
3. Thuto ena e hlophisitsoe e le boithuto ba Bibe. Ka boithuto ba ba Mangolo a mangata a Bibe, re tla haha thuto ea manyeloi le mademona. Re tla nka nako ea ho sheba mangolo ao, re be re buisane ka meeelo ea oona ha moo ho hlokahalang.

II. Manyeloi.

A. Litemana tse amanang le Manyeloi.

1. Testamente ea Khale.
 - a. Gen 3:24; 16:7-11.
 - b. Pes 34:7; 78:49; 80:1; 91:11; 103:20; 148:2-5.
 - c. Esa 6:2, 6.
2. Testamente e Ncha.
 - a. Math 1:20-25; 4:11; 18:10; 26:53; 28:1-5.
 - b. Mar 1:13; 8:38; 12:25.
 - c. Luk 1:26-37; 2:9-15; 15:10; 20:34-36.
 - d. Lik 1:10, 11; 5:19; 8:26; 10:3; 12:7, 23; 27:23, 24.
 - e. 1 Bakr 6:3.

MANYELOI LE MADEMONA

- f. Bak 1:16; 2:18.
- g. Bah 1:7,14; 2:7.
- h. 1 Petr 3:22.
- i. 2 Petr 2:4.
- j. Juda 6, 9.
- k. Ts'en 1:1; 5:11; 12:7; 19:10.

Ntlha ea Puisano

Kamor'a ho sheba litemana tse ka holimo, bolela hore na u lumela boteng ba manyeloi e le 'nete kapa e le thetso. Ka bokuts'oane a ku fane ka mapaki ao o lumelang hore o kile oa kopana le manyeloi kapa hona ho bona liketso tsa ona.

B. Boleng ba Manyeloi.

1. A khona ho bonts'a boits'oaro
 - a. Hona le manyeloi a halalelang, a hantle.
 - b. Hona le manyeloi a oeleng, a bolotsana (bala Math 25:41; 2 Petr 2:4; Jude 6; Rev 12:7-9).
- Tlhokomeliso: re tla shebana le manyeloi ao a oeleng karolong ea bobeli ea thuto ena ha re etsa thuto ea mademona.
- c. Manyeloi ke lintho tse nang le bokhoni ba ho bonts'a limelo tsa botho, a ne a khona ho etsa liqeto. Lenyoloi ka leng le ikhethela ho ba khahlanong kapa ho lula le ts'epahalla Molimo.

Notes —

MANYELOI LE MADEMONA

Notes —

2. Ke meea (bala Bah 1:14).
 - a. Ke libopuoatse hlokanang 'mele (bala Luk 24:39).
 - b. A ka itlhlahisa ka sebopeho sa botho (bala Gen 18:2; 19:1, 10; Josh 5:13, 14; Mar 16:5; Luk 24:4; Lik 1:10; le Bah 13:2).
 - c. A khona ho phunyeletsa meeli mabapi le nako le sebaka (bala Bah 1:7; Gen 28:12).
3. Ha a na bokhoni bohle.
 - a. A bopiloe (Pes 148).
 - 1) A entsoe ke Molimo (Bak 1:16). A bopiloe pele ho motho (bala Job 38:4,7 le Gen 1-3).
 - b. Ha a hohle ka nako e le ngoe joaloka Molimo.
 - c. Ha a tsebe tsohle joaloka Molimo (Math 24:36).
 - d. Ha a matla oohle joaloka Molimo.
 - e. Ha a na bomolimo (bala Ts'en 22:8, 9).
4. Ke libopuoatse nang le botho.
 - a. A na le mabitso (Luk 1:26; Juda 9).
 - b. A na le bohlale le kelello.
 - 1) A khona ho ts'oara puisano (bala Gen 18: 1, 9, 22 le 19: 1, 2).
 - 2) A khona ho nahana (bala 1 Petr 1:12).
 - 3) A na le kutloisiso (Bae 3:9, 10).
 - c. A thaba (bala Job 38:7; Luk 15:10; Ts'en 19:6, 7).

MANYELOI LE MADEMONA

5. Ha a na botona kapa bots'ehali.

- a. Ha a na basali kapa banna (bala Mar 12:25).
- b. Ha a khone ho nyala (ha a hloke ho tsoala le ho ikatisa ka tsoalano).

6. A matla (bala Pes 103:20; 2 Bathes 1:7).

- a. Hangata liketso tsa ona li kenyeletsa liponts'o tse kholo tsa matla (bala 1 Likr 21:14, 15; Lik 12:23; Ts'en 14:18).
- b. Kamehla matla a ona, a sebelisoa ho sebeletsa sechaba sa Molimo (bala Dan 10:18; Luk 22:43).

7. Ha a shoe. Ha a tsebe lefu (Luk 20:36).

Ntlha ea Puisano

Tlhaloso ea Bible e boleng ba manyeloi e fapana le litlhaloso tse ling tsa batho joang?

C. Palo le Phapano/Mefuta ea Manyeloi.

- 1. Palo kapa bongata ba manyeloi (bala Deotr 33:2; Dan 7:9, 10; Bah 12:22 le Ts'en 5:11, 12). Manyeloi a mangata haholo-holo!
- 2. Mefuta ea manyeloi.
 - a. "Lenyeloi la Morena." Ho bonahala e le Morena ka sebele sa Hae (bala Gen 16:7, 10, 13; Eks 3:2, 6; Baahl 6:11, 14).

Ntlha ea Puisano

Re ka ba le maikutlo a reng "Lenyoi la Morena" ke Eena ka Sebele sa Hae, feela o itlhahisa ka mokhoa oa Lenyeloi. Uena u nahana joang?

Notes

—

MANYELOI LE MADEMONA

Notes

b. Areka-Nyeloi: Lenyeloi le leholo (bala 1 Bathes 4:16 le Juda 9).

Ntlha ea Puisano

Mangolo ao re seng re a balile a bua joang ka boleng le sebopeho sa “Areka-nyeloi?”

c. “Kerubime”.

1) Li lebela khalalelo ea Molimo (bala Gen 3:24; Eks 25:18-22; 26:31).

2) Li jara terone ea Molimo (bala 1 Sam 4:4; Pes 18:10; Esek 1).

d. “Serafime” (bala Esa 6:2). Li hooa le ho phatlalatsa khalalelo ea Molimo, ebile li ea mokhumamela.

e. Ho bonahala e ka hona le tlhahlamano, tlhophiso, le likarolo tsa manyeloi (bala Bak 1:16; Math 26:53; Josh 5:14; Pes 89:6, 7; Pes 82:1; 2 Likr 18:18).

Ntlha ea Puisano

Maikutlo a hau ke a fe mabapi le tlhahlamano ea mefuta e fapaneng ea manyeloi?

D. Mesebetsi ea Manyeloi.

1. Thoriso le ho khumamela Molimo (bala Ts’en 5:11, 12 le 7:11). Hona ho bonahala e le mosebetsi oa mantlha oa manyeloi.
2. Phetiso ea Molaetsa.
 - a. Ho phatlalatsa ‘nete ea Molimo (bala Lik 7:53; Bag 3:19; Bah 2:2).
 - b. Botoloki (bala Dan 8:19; 9:23; Sakar 1-6; Ts’en 1:1).

MANYELOI LE MADEMONA

c. Litsebisō (bala Gen 22:12; Baahl 13:3; Math 1:20; Luk 1:13; 1:28; Math 28:6; Lik 1:11).

d. tataiso (bala 2 Marena 1:3; Math 2:13; Lik 5:20; 8:26; 10:4, 5; 27:24).

3. Bosebeletsi (bala Bah 1:14).

a. Ho khothatsa le ho kholisa (bala Gen 16:9-11; 21:17; 1 Marena 19:5; Math 4:11; Luk 22:42, 43).

b. Ts'ireletso le poloko (bala Eks 23:20; Dan 6:22; Lik 5:19; 12:7-11).

1) Ts'ireletso (Pes 91:11,12).

2) Poloko (Pes 34:7).

c. Ho lara, ho sireletsa batho, “manyeloi a ts'ireletso” (bala Math 18:10; Pes 34; le 91).

4. Bophethahatsi ba kahlolo ea Molimo.

a. Hlokomela kamoo manyeloi a ileng a sebelisoa ho phethahatsa kahlolo liketsahalang tsa 1 Likr 21:15; 2 Marena 19:35; le Lik 12:23.

b. Mosebetsi oona oa manyeloi o tla bonahala haholo mehleng ea qetello (bala Math 13:41; 2 Bathes 1:7, 8; Ts'en 9:15).

5. Manyeloi a etsa thato ea Molimo (bala Pes 103:20 le Math 6:10).

E. Na Boteng le Mosebetsi ea Manyeloi li ka Bonoa le Kajeno?

1. Mangolo a bonts'a ka kotloloho hore boteng le ts'ebetso ea manyeloi, ke lintho tseo batho ba li bonang ebile, manyeloi a ntse a le ts'ebetsong le kajeno.

a. Hlokomela tse buoang ke Pesalema 34 le 91 (ka kotloloho 34:7 le 91:11,12).

b. Boela o shebe Bah 12:22; Bah 13:2; Math 18:10; le Bah 1:14.

Notes —

MANYELOI LE MADEMONA

Notes —

2. Kaha manyeloi a ntse a le ts'ebetsong le kajeno, ebile batho ba ntse ba elelloa hoo, ho bohlokoa hore re fane ka litlhokomeliso.
 - a. Manyeloi a oeleng a lefifi, a ka itlhahisa e le “manyeloi a leseli” (bala 2 Bakr 11:14).
 - b. Manyeloi a lefifi a ka leka ho thetsa batho. A ka boetse a leka ho fana ka “evangeli e sele” (bala Bag 1:8).
 - 1) Ena ke eona tsela eo tumelo ea Mormon e qalileng ka eona. Joseph Smith, mothehi oa tumelo ea Mormon, o ile a fumana “ts'enolo e ncha” ka lenyeloi le bitsoang Moroni. Hona e ile ea ba qaleho ea tumelo e bitsoang Mormon.
 - 2) Ena ke tsela eo tumelo ea Bomoseleme e qalileng ka eona. Mohammed, mothehi oa tumelo ea Boseleme, o ile fuoa “ts'enolo e ncha” le tataiso ka lenyeloi. Hona e ile ea ba qaleho ea tumelo ea Boseleme.

Ntlha ea Puisano

Se boleloang ke Bag 1:8 malebana le mokhoa oo re shalimang manyeloi ka oona? Na ho a khonahala hore re eteloe ke “lenyeloi la leseli,” Lenyeloi la lefifi ke le fe?

Re ka elelloa 'nete joang maamong aa?

Bala o be o bolele se boleloang ke 1 Tim 4:1 le 1 Johan 4:1.

(Tlhokomeliso: temana tsena li bua ka baruti ba bohata, empa litlhahlobo tsena li ka sebelisoa le ho meea le molaetseng oo meea eo e fanang).

Kereke e ka its'ereletsa joang “meeng esele?”

MANYELOI LE MADEMONA

Ho hlaloba meea:

Boteng le ts'ebetso ea manyeloi li ka bonoa le kajeno.

Kaha hona e le 'nete, re lokela ho ba hlokolosi hore re se oele marabeng a meea e sele. Litlhahlobo tse latelang li ka sebelisoa ho hlalohanya meea le ketelo tsa manyeloi:

1. Na lenyeloi le fane ka tataiso kapa litaba tse eketsang kapa tse sa lumellaneng le Bibelet?

[Hopola: ha hona "ts'enolo e ncha" (keketso kapa se fapaneng). Bibelet e feletse, ha e hloke ho eketsoa (bala Mangolo a kang Juda 3 le Ts'en 22:18).]

2. Na manyeloi a icheba bo-oona kapa batho ho ena le ho sheba le ho supa Jesu?
3. Na boitlhaloso ba oona le boitlhahiso ba oona li kaholimo ho seo Bibelet e se hlalosing ka manyeloi?
4. Na mosebetsi oa oona, o bonahala o sa ts'oane le ts'ebetso e hlalositsoeng ka manyeloi Bibele?

3. Leha re tseba hakaalo hore boteng le ts'ebetso ea manyeloi e ntse e le ntho e teng le kajeno, re boetse rea tseba hore boitlhahiso le ketelo ea "lenyeloi" e tlameha ho hlalhojwang (sheba kaholimo).
 - a. Ha re lokele ho oela lemeneng la litumelo tse khelohileng joaloka tseo re buileng ka tsona ka holimo mabapi le thuto ea manyeloi a sele:
 - 1) E ngoe ea litumelo tse feteletsang lintho e re manyeloi ha se ntho e teng, ebile batho ba ke ke ba itsebela boteng le ts'ebetso ea oona. Hona ke phoso ea Baseduse (Lik 23:8).
 - 2) E ngoe ea lithuto tse khelohileng, e hlalisa "borapeli ho manyeloi" (bala Bak 2:18). Thuto ena ea mofuta oona e tebisa metso haholo ho boteng le ketelo ea manyeloi.

Notes —

MANYELOI LE MADEMONA

Notes b.

Kahoo, re netefatsa hore manyeloi ke lintho tse teng, ebile batho ba ka ba le boitsebelo ba boteng ba oona. Empa re boetse re etsa tlhokomeliso ea hore ketelo le boithlahiso ba manyeloi ha se ntho e tloaelehileng, kahoo, re lokela ho ba hlokolosi haholo. Tlhalohanyo ea meea e bohlokoa haholo.

Ntlha ea Puisano

Araba lipotso le maikutlo a ka boetseng a hlaha malebana le manyeloi, empa hoo o ho etse ka bokhuts'oane haholo.

III. Mademona.

A. Selelekela.

1. Hona le batho ba sa lumeleng hore satane le mademona ke lintho tse teng.

Mohlala oa Sengoli:

Ho se lumele hore mademona ke ntho e teng, ho hlalisa matsatsi a phomolo a kang ao re nang le oona America, joaloka "Halloween." Ka tsatsi lena, baholo le bana ba soma le ho nyelisa lefats'e la meea. Bana ba apara joaloka baloieatsana kapa ba its'oants'e le mademona, e be ba tsamaea seterateng bosiu. Batho ba ba le liphathi/mekete ea boithabiso moo ho eona mong le mong a aparang joaloka mademona, e be ba ts'eha lintho tsa semoea.

Hobaneng batho ba nahana hore ntho ee e ea qabola ebile ke lefela? Karabo e ngoe feela, 'ho se tsebe.' Ha ba utloisise botebo ba seo ba bapalang le ho soasoa ka sona.

Ho fokola hona ha tsebo tabeng ea mademona, ho boetse ho tsoala ho se tsotelle le ho hloka thahasello ea ho ithuta ka oona le ka mokhoa oo re ka a emang khahlanong le ho a hlola ka oona.

Beha mohlala oa hau

MANYELOI LE MADEMONA

2. batho ba bang ba lumela hore satane le mademona ke lintho tse teng, empa joale ba qetella ba na le thahasello e kholo ho satane le mademona le mesebetsi ea bona. Ba lula ba ithuta ka liketso tsa mademona 'me ba thahasella boitlhahiso ba oona.
 - a. Mofuta oona oa batho ba oela ha bobebe marabeng a diabolosi le thetso ea hae.
 - b. Ba ka fumanoa ha bobebe ba le tlasa ts'usumetso ea mademona kaha thahasello ea bona e se e le kholo ho feta tekanyo.
3. Satane ha a tsotelle hore na ke e fe ea lintlha tse peli tse ka holimo e ka bopang maikutlo a hau ka eena. Lintho tsena bobeli, ke liphoso tse kholo, 'e satane oa tseba hore a ka khona o ama maphelo a mefuta ena e 'meli ea batho.
4. Bakreste ba lokela ho ba le kutloisiso e nepahetseng mabapi le satane le medemona a hae.
 - a. Ke lintho tse teng. Ke lira tsa rona. ho bohlokoa ho ithuta le ho bala ka oona, joalo feela ka ha o lokela ho ithuta ka sera sa hau ntoeng.
 - b. Leha ho le joalo, maikutlo a rona ha a lokela ho tsepama ho sera sa rona feela. **maikutlo a rona a lokela ho tsepama ho molaoli oa rona e moholo, Jesu Krete.**
 - 1) Re lokela ho qoba ho ba le thahasello e kaalo boithutong ba mademona. Ha rea lokela ho tsepamisa maikutlo a rona ho oona, re mpa re lokela ho ba le tsebo e itseng ka oona.
 - 2) Ha re lokele ho lumella maikutlo a rona ho thahasella boitlhahiso ba mademona. Ha re lokele ho batlana le mademona kapa ho thahasella ho ba le boitsebelo ba ts'ebetso ea oona ho batho.
 - c. Re lokela ho etsa tekano e nepahetseng. 'Nete ke hore, re lokela ho ba le tsebo e itseng ka mademona, empa ha rea lokela ho ba le thahasello le lerato la letho ho oona.
 - 1) Re tla tsoelapele ka thuto ena ho haha thuto e mabapi le manyeloi le mademona.
 - 2) Re lokela ho utloisisa ka Satane le mademona a hae e le hore re tle re tsebe mekhoa ea itlhophela ho loana le ho ema khahlanong le oona. Ha re hloke ho a tsotella le ho a thahasella ho hang.

Notes —

MANYELOI LE MADEMONA

Notes

Ntlha ea Puisano

Linthong tsena tse peli, ke e fe eo moetlo kapa sechaba sa heno se e feteletsang haholo? Uena o le Mokreste ea holileng, ke ka tsela e fe o susumelitsoeng ho fetola boits'oaro le litumelo tsa hau mabapi le mademona?

B. Satane.

1. Tlholeho ea Satane.
 - a. O entsoe ke Molimo (bala Job 38:4-7 le Bak 1:15-18).
 - b. O ne a phethehile ho fihlela a etsa sebe (bala Esek 28:11-19).
 - c. O ile a lelekoa leholimong kamor'a hore boikhohomoso ba hae bo hlahelle (bala Esa 14:12-20).
 - d. Ho manyeloi a oeleng, ke eena ea ka holimo-limo. (bala Ts'en 12:7-9).
2. Sebopeho sa Satane.
 - a. Ke ntat'a mashano oohle (bala Johan 8:44).
 - b. O masene, ebile o tletse thetso (bala Gen 3:1 le 2 Bakr 11:3).
 - c. Ke molotsana (bala Job 1:9).
 - d. O tletse bokhopo (bala Luk 8:29).
 - e. O tletse thetso le boikhakanyo (bala 2 Bakr 11:14 le Ts'en 12:9).
 - f. O matla ho ba se nang kamano le Jesu (bala Bae 2:2).
 - g. O tletse boikakaso (bala 1 Tim 3:6).
 - h. Ke leoatla (bala Jak 4:7).
 - i. O lits'ila, o tletse bobbe bohle (bala 1 Johan 2:13).
3. Boteng ba Satane.

MANYELOI LE MADEMONA

Notes —

- a. Bibe e bonts'a hore satane o teng. Litemaneng tsena, elelloa kamoo Bibe e bonts'ang ka teng hore Diabolosi ke ntho e teng: 1 Likr 21:1; Pes 109:6 le 1 Petr 5:8, 9).
 - b. Jesu o bonts'a satane e le ntho e teng (bala Math 4:1-11; Luk 10:18; 13:16).
 - c. Baapostola le bona ba bonts'a diabolosi e le ntho e teng, e phelang (bala Bae 4:27; 6:10-18; 1 Bathes 2:18; Jak 4:7).
4. Mosebetsi le liketso tsa Satane.
- a. E ngoe ea liketso tse kholo tsa hae ke leshano (bala 1 Johan 3:8).
 - b. O rena holima mebuso ea lefats'e lena (bala Bae 2:2; 2 Bakr 4:4; Johan 12:31).
 - c. O rena le ho busa meea le mebuso e matla e hlophisitsoeng ka mokhoa o iphihletseng.
 - 1) Hlokomela kamoo ho bonahalang hona le tlhahlamano e hlophisichileng ka teng ho Bae 6:10-12.
 - 2) Hlokomela kamoo Dan 10:12-11:1 a bonts'ang tatellano ea matla ka teng.
 - 3) Hlokomela se boleloang ke Math 12:24-30. Serapa see se supa tlhophiseho ea mebuso ea lefats'e lee joang?
 - d. O laola manyeloi a oeleng, 'me o na le ts'usumetso e kholo maphelong a batho ba se nang kamano le Molimo.
 - 1) Manyeloi a oeleng. Litemaneng tse latelang, elelloa litaba tse bonts'ang taolo ea Satane holima manyeloi a oeleng (mademona): Math 25:41; le Ts'en 12:7-12.
 - 2) Mabapi le batho ba oeleng, hlokomela moelelo oa mantsoe ana "ntat'a lona diabolosi" ho Johan 8:44.
 - e. O tsamaisa le litumelo tse se nang borapeli ba 'nete ho Molimo (bala 2 Bakr 11:14; Ts'en 2:9; 3:9).
 - f. Ke sera se seholo sa Kereke ea 'nete (bala 1 Petr 5:8 le Ts'en 12:4).

MANYELOI LE MADEMONA

Notes

- g. Ke eena mohloli oa mats'oenyeho, litlhoru, le maloetse(bala Luk 13:16; Lik 10:38; 1 Bakr 5:5).
- h. O hlasela ka masene, 'me o susumetsa batho ho etsa sebe.

Ntlha ea Puisano

Bala Mangolo ana o be o bue ka litsela tseo Satane a sebetsang ka tsona ho thetsa batho ka tsona, le ho ba susumetsa ho oela sebeng: Johan 13:2; Lik 5:3; 1 Bakr 7:5; 2 Bakr 2:11; 11:14; Bae 4:27; 1 Tim 3:7.

5. Merero ea Satane.

- a. Ho etsolla le ho sitisa mosebetsi oa Molimo (bala Mar 4:15).
- b. Ho tlosa batho ho Molimo (bala Job 2:4, 5).
- c. Ho hlola le ho akofisa bobbe (bala Johan 13:2, 27).
- d. Ho fumana khumamelo ho tsoa ho batho (bala Luk 4:6-8; 2 Bathes 2:3, 4).

6. Mekhoa ea Satane.

- a. Oa ikhakanya (bala 2 Bakr 11:14).
- b. O sebelisa pelaelo (bala Gen 3:1).
- c. O senya le ho fetola moelelo oa Mangolo (bala Math 4:6).
- d. O sebelisa masene le thetso (bala 2 Bakr 2:11).
- e. O leka ho lula a behile batho litlamong (bala Luk 13:16).

MANYELOI LE MADEMONA

7. Matla a Satane.

a. Matla a hae holima ba bolatsana.

- 1) Ke “bara” ba hae (bala Lik 13:10 le 1 Johan 3:10).
- 2) Ba etsa thato ea hae (bala Johan 8:44).
- 3) O tsamaisa maphelo a bona kamoo a ratang ka teng (bala Luk 22:3).
- 4) O ba fufalitse (bala 2 Bakr 4:4).
- 5) Oa ba lahla, oa thetsa (bala Ts’en 20:7, 8).
- 6) O ba “ts’oasitse” ka maraba a hae (bala 1 Tim 3:7).
- 7) Oa ba hlasela (bala 1 Sam 16:14).

b. Matla a hae holima ba lumetseng.

- 1) A ka ba leka (bala 1 Likr 21:1).
- 2) A ka ba hlasela ka maloetse le mahloko (bala Job 2:7).
- 3) Ke moqosi (bala Sekar 3:1).
- 4) O ba hoka le ho ba thetsa ka mashano (bala 2 Bakr 11:3).

Notes —

MANYELOI LE MADEMONA

Notes

8. Karabelo ea Balumeli ho Satane.
 - a. Re lokela ho falimeha (bala 1 Petr 5:8).
 - b. Re lokela ho moloants'a (bala Bae 6:11-16).
 - c. Re lokela ho mohanela (bala Jak 4:7; 1 Petr 5:9).
 - d. Ha rea lokela ho molumella le ho mofa monyetla (bala Bae 4:27).
 - e. Re lokela ho tseba maqiti a hae (bala 2 Bakr 2:11).
 - f. Re lokela ho mohlola ka:
 - 1) Lentsoe la Molimo (Math 4:1-11; 1 Johan 2:14).
 - 2) Lebitso la Jesu (Bae 1:19-22; 2:6).
 - 3) Ka tsoalo ea bobeli la tumelo (1 Jn 2:29; 3:9; 5:1-4, 18).
 - 4) Ka Moea o Halalelang (Bar 8:1-13; Bag 5:15-26).
 - 5) Mali a Krete le bopaki (Ts'en 12:11).
9. Tlholo ea Krete holima Satane.
 - a. E phatlalalitsoe e sa le qalong (bala Gen 3:15).
 - b. E bonahala bophelong le mosebetsing oa Jesu (bala Math 4:1-11; Luk 10:18; Mar 3:27, 28).
 - c. E phetheha ha Jesu a ahlola Satane (bala Mar 3:27; Johan 12:31; 16:11; Bar 16:20; le Math 25:41).

MANYELOI LE MADEMONA

C. Meea ea Mademona.

Notes —

1. Boleng ba Mademona.

- a. A khopo, a tletse ka bolotsana (bala Luk 10:17, 18).
- b. A matla (bala Luk 8:29; Mar 5:1-18).
- c. A mangata (bala Mar 5:8, 9).
- d. A lits'ila (bala Math 10:1).
- e. A tlatsa taolo ea Satane (bala Math 12:24-30).
- f. A masene. A na le tsebo (bala Lik 16:16; Math 8:29; Luk 4:41).
- g. A na le mofuta o itseng oa tumelo (bala Jak 2:19).
- h. A na le litakatso (bala Math 8:29; Mar 5:7).
- i. A na le lithato, maikutlo, le lithahasello (bala Math 8:28-31; 12:43-45; Lik 8:7).
- j. A na le lithuto tsa oona tse khelohileng (bala 1 Tim 4:1).

2. Liketso le bokhoni ba Mademona.

- a. A ka hlasela batho ka bokuli, nameng le maikutlong (bala Math 4:23,24; 9:32, 33; 17:14-21; Mar 5:1-8; le 9:25).
- b. Ke mehloli ea litakatso tse lits'ila (bala Johan 8:44; 1 Johan 2:15-17).
- c. A ka bonts'a matla a semoea (bala Mar 5:1-8).
- d. Ke mehloli ea boloi le lithuto tse khelohileng, le baprofeta ba bohata (bala 1 Tim 4:1, 2; 1 Johan 4:1-6; 1 Marena 22:21-24; 2 Likr 33:6; 1 Sam 18:8-10).
- e. A ka tlama le ho tsamaisa maphelo a batho (bala Math 8:29).
- f. A ka etsisa batho ba shoeleng (bala 1Sam 28:9-15; 1Likr 10:13).

MANYELOI LE MADEMONA

Notes

3. Matla a Balumeli holim'a mademona.

- a. Re na le tlholo ka Krete (bala Math 8:16, 17; 12:28; Mar 16:17; Luk 10:17; 1 Johan 4:1-6; 2 Tim 2:1; le 1 Johan 5:4&5).
- b. Molumeli ha a lokela ho ts'aba diabolosi le mademona. Ka Krete, re na le bokhoni ba ho hlola ntoeng ea semoea. Re ka hlola.
- c. Pokello ea thuto ea MOTMOT, e bitsoang Ntoa ea Semoea, e fana ka lintlha tse pharaletseng mabapi le mokhoa oo molumeli a ka hlolang mademona ka 'ona.

MANYELOI LE MADEMONA

Notes —

Mosebetsi oa ka Sehlopheng:

Re tla qetella thuto ena ka puisano e bulehileng e mabapi le phapano e bonahalang e le teng pakeng tsa mademona a nang le bolokolohi ba ho sebetsa le mademona a litlamong. Buang ka sehlooho ka seng.

Sehlooho # 1

Bala Juda 6 le 2 Petr 2:4.

Bibele e bua ka manyeloi a oeleng, feela a ntse a na le bolokolohi ba ho sebetsa (mohlala, Pes 96:5 le 1 Bakr 10:20), hape hona le a mang a ntseng a le litlamong, a se nang bolokolohi ba ho sebetsa (Juda 6).

Sehlooho # 2

Bala Gen 6:1-4.

Baithuti ba bang ba Bibele ba lumela hore manyeloi a oeleng ao ho buuoang ka oona ho Juda 6, ke ao ho buuang ka oona ho Gen 6:2. Ba amahanya kahlolo e kholo ea bona le kopano ea bona le basali

Sehlooho # 3

Bala 1 Petr 3:19, 20.

Baithuti ba bang ba Bibele ba amahanya thuto ea Jesu le manyeloi a litlamong. Ba lumela hore Jesu o ile a ea sebakeng seo a tlamiloeng ho sona ho phatlalatsa tlholo ea Molimo.

Ho hloma e ka hona le kamano pakeng tsa 2 Petr 2:4, 5 le 1 Petr 3:19, 20 (hlokomela polelo e phetoang hangata “mee a le litlamong” le Noe e le e mong oa batho ba 8 ba ileng ba pholoso moroallong).

Uena u nahana joang?

MANYELOI LE MADEMONA

Notes

Qetello

¹J. Rodman Williams, Basic Christian Theology: Part One - class notes from Regent University course (Virginia Beach, VA: CBN University Media Center, 1986). The flow of the major points of the outline concerning “angels” are adapted directly from the teachings of Dr. Williams. Used by permission.